

與九天齊真名書丹臺位准高玄身發紫光
項負圓明遊行太虛十界司迎致三元下降
同宴霄翥修行神仙之道披誦高上玉清隱
書大洞真經當安身方丈之上心曠紫文丹
章左把流金火鈴右御豁落七元則玉虛不
招而自降大洞不叩而發關萬真應機而感
會羣魔束身而自亡運策八炁迴轉五辰坐
命萬靈役御羣仙炁合高虛形齋紫賓九天
之秘奧玉清之隱文有泄此章身被風刀責
及七玄生死之考一如九天盟文
有金名玉宇列圖九天得見此文當以絳紋
之繒三尺為地以紫筆書丹章於繒上紫
紋九十九尺金魚玉龍詣師清齋九十日北向
告盟九天而傳弟子受以錦囊佩之當心也
得佩紫文丹章皆位准高玄得受玉清隱書
位准大真坐起寢息皆與玉虛交纏玉華衛
真於左右五帝髣髴於寢軒不得雜同於常
俗混穢於高真也犯則神逝而魔前被擄而
失仙矣
佩紫文丹章出入卧息乃行道之際相當先

思己身有紫暉之光玄覆於上炁繞一身便
叩齒九通而祝曰

玉虛九重紫暉八纏玄光重映玉清吐津紫
文丹書表明九天制命萬靈招役羣仙威攝
萬萬檢萬千千影響立會五雲登煙飛與紫
蓋倏忽來前使我乘空高登玉晨

畢便引紫炁十二噫止如此九年即有紫雲
之蓋膜覆兆身身生紫光照明十方通神致
真洞觀太虛也

昔上元夫人以隱文授太和玉女太和玉女
授幼陽君陽君道成昇虛以文封於九疑洞
室七百年當授合真通玄之人後學精念自
當感會預有緣也

上清太上玉清隱書滅魔神慧高玄真經

釋音

撒音家 馮元俱切 鐵 桑希切 撫音朽
參差 于連切 抄音抄 照 班康切 晶音皎
余衣檢切 降伏上音杭 斌 紐民切 巾音
三便 下平 显音育 暮莫秋切

上清高上滅魔王帝神慧玉清隱書 承二

高上玉清刻石隱銘內文

上清高上刻石內文玉清上官北壁隱書鬼
神內銘高上玉帝以傳太微天帝君三道立
正太微天帝君以授後聖太平道君以刻書
鄴都六宮下制北帝鄴都之山道君書其文
備遊十天召神滅魔成伏萬精封檢五獄束
縛羣靈上披天關迴轉五星縱景萬變真光
洞明流金交煥十天鬱冥欲殺者殺欲殘者
殘適意所造平斷死生其道嚴妙玉帝之精
有見其文不學立成北帝鄴落死青華記名具
仙來朝上造王庭玉清隱書玄旨秀靈瓊音
洞微妙趣明徹八電激威制靈使氣榮召璇
璣輪轉五辰七星奔移坐命九天萬神總歸
玉司浮位二景停暉千精伏窺羣魔滅推詠
其辭則天關洞開說其呪則萬真解懷紫霞
流映金仙侍靈天元敷庭八風肅清玄光冥
滯三景合明天淵靜波巨虬嚴征神虎振威
毒獸羅兵斬敵不祥妖魔伏形萬萬受事千
千皆平五通七合三氣齊并子有玉骨當尋

寶經動心苦行尅造雲營上之玄宮朝謁三清
 鄴都山在北方癸地山高三千六百里周迴
 三萬里其山洞天在山高下周迴一萬五千
 里其上下並有鬼神宮室山上有六宮洞中
 又有六宮一宮輒周迴千里是為六天鬼神
 之宮二處合一十二宮上宮主鬼洞中主神
 生死之所由名簿悉隸北帝君也
 玉清刻石隱銘內文二篇一篇制鬼一篇檢
 神十二宮北壁輒刻一篇隱銘內文也
 第一宮名紂絕陰天宮第二宮名黍稷諒事
 宗天宮第三宮名明晨耐犯武城天宮第四
 宮名恬照罪氣天宮第五宮名宗靈七非天
 宮第六宮名敢司連究屢天宮
 右六宮治鄴都山上主領萬鬼總統地上人
 民之死生玉帝刻石隱銘以書宮北壁制檢
 羣凶不使橫暴枉害生民學者得佩此文則
 萬鬼衛身北鄴落名度命南宮得為真人也
 鄴都山洞中六宮主領萬神玉帝隱銘刻名
 文書宮北壁以制六宮萬神之靈
 第一宮名休明總靈洞天宮第二宮名玄司

重正宗虛天宮第三宮名統仙升靈希微天
 宮第四宮名正真部靈究司天宮第五宮名
 雲棲玉紀明朗天宮第六宮名宗虛赤暎雲
 由天宮
 右鄴都山洞中宮名總領萬神生死簿錄其
 不係之若有知洞中六宮之名佩玉帝隱文
 南神內朝不復害人北鄴落除死日度名南
 宮真神衛從白日昇天

顏 之 款 龍 靈 龍
 魁 泮 窮 精 出 樂
 丞 到 北 龍 出 派
 靈 亦 函 窮 弄 平
 泮 源 凶 別 熱 厥

以 高 邪 宮 靈 龍
 善 亦 隨 葬 崩 窮
 登 尺 尺 尺 怒 物
 繼 龍 素 為 還 龍
 宗 耕 匪 坐 危 龍
 三 虫 靈 翠 世 尺
 隱 錄 玄 窮 夜 仙
 尺 乖 錫 陶 彈 龍

並死

右玉清刻石隱文以朱書青縉三尺佩之兼
青書所住北壁出入行來遠近萬鬼朝已千
鬼衛真此玄古之道玉清隱文得者神仙不
復隸於鄴都之官受者秘之慎勿示人有金
骨玉名名參青官得有此文當依玄科七百
年內聽得三傳傳非其人北帝屬所奏殃延
七祖長充鬼責身沒形殘萬不得仙

天。玉。聖。聖。古。崗。
靈。靈。派。派。崇。崇。
興。建。上。執。川。務。
興。罷。祿。祿。聖。聖。

靈。派。商。言。夢。齋。
黃。帝。率。明。敵。燈。
北。部。陽。精。魁。削。
天。百。龍。精。理。能。
靈。靈。不。益。聖。出。
中。錄。鳥。獸。詠。肩。
副。功。百。體。出。流。
超。祿。勿。飭。聖。聖。

強。韋。詠。亥。陽。凡。
刺。處。惡。此。盛。青。
天。百。龍。精。理。能。

右玉清刻石隱文內銘凡九十一言玉帝刻
書鄴都洞天六官北壁以檢制萬神若有玉
骨名書紫清得遇此文當以朱書青縉三尺
佩之又朱書所住北壁則真仙下降萬靈衛
形千秋伏竄天魔養精威制十天總統衆生
縱意變體萬化五成乘空駕浮飛行玉清經
泄實文殃連七玄身沒鬼官永不得仙
凡受玉清隱文洞景金玄之章誦誦萬福常
呼鄴都上下六官名萬福自當洞解刻石隱
名此音發於高上玉虛之天自然之篇皆著
天魔內名或表九天玉章其辭幽速非始學
凡夫所可意通自非大帝下降坐致瓊軒春
晨乘雲駕浮洛景紫天不得詰究此銘後學

有心者得見此篇皆東華書名骨相合仙天真降感故受此文但當依法佩身以却萬靈道滿氣澄必得洞覽隱者遊行玉清也

凡受玉清隱書洞景金玄之章而无玉帝刻石隱銘內文皆不得誦詠金玄之章輕誦駭

動高上萬魔乘機而生徒有隱銘內文而不受洞景金玄亦无以制魔上下相部二用齊

并三景合契萬氣肅清金根經言凡修大洞當坐震靈凡修金玄當佩隱銘其道至妙藏

於玉虛九曲之房金神侍衛玉華執巾三十六真典領玉篇違科犯禁列奏三清身沒鬼

官長責幽泉天科重告慎勿妄宣凡受玉清隱書刻石內銘皆先清齋七日齋

竟然後費錦繡三十尺金鏤九雙告北帝而盟晚誓而傳長齋之士絕交人間身不染穢

體清氣澄乃得修行行此道太一監試司命定生玄感妙告上徹玉清帝君懽悅羣真詣

庭萬遍道備尅乘綠耕參駕玄符上造帝庭

高上滅魔殺鬼上法

甲乙日殺鬼都伯吏姓宋名巨曠主領甲乙日萬鬼目錄丙丁日殺鬼都伯吏姓友簡諱

法生主領丙丁日萬鬼目錄戊己日殺鬼都伯吏姓黃諱安正理主領戊己日萬鬼目錄

庚辛日殺鬼都伯吏姓帛諱西子留主領庚辛日萬鬼目錄壬癸日殺鬼都伯吏姓鄭諱

玄丘伯主領壬癸日萬鬼目錄玉帝曰此五帝殺鬼都伯吏皆受北帝清虛之號雖為領殺鬼之主至於階級亦不為輕


乃五緯所宗奉學者所仰憑也其例二千四百年皆轉升玉清為總仙之官也學者不知

伯吏內名又无殺鬼玉文鬼魔莫不干試毀其仙正也諸以北帝萬鬼天下羣魔及苦異

未升者名籍北鄴悉總主之有知其名則劫錄九天萬魔滅凶羣鬼匿莫將无復試敗之

患必自然成具也然此高上所秘藏之於瑤臺不傳於下世輕泄者沒身負風刀之考七

祖受罰於濛山也



此神吏七寶間翠元冠碧玉簪金華翠綠紫綃之服白綾絳帟朱履紅繡窄衣執蔡幡五色

北帝寒靈滅魔殺鬼玉文受之於高上三天

神霄王所佩欲殺甲乙日鬼當朱書文白奏長一尺二寸廣三寸二分置西方庚上乙日

辛上閉氣七息叩左齒三十六通呪曰乘天履氣奉行威章高上玉文普攝萬凶寒

靈受制嚴如天鍾明告伯吏檢制北鄴先戮

鬼乘後剪魔王大小滅種高下摧崩如天之命絕氣大官太一監詔五老促翁天清地朗萬津開通甲乙所執靡不敬從畢引氣七咽止行此七日天魔束形見景受事於眼前鬼乘滅種萬精自亡朱書白素佩身可遊行天下羣妖試滅萬鬼不敢干也後使太丹玉女八

此神吏金華綠絳緇之服黃裙青羅窄衣綵帶冠履同前



北帝丹靈滅魔殺鬼玉文受於高上三天街以朱宮玉女六十四人一名攝殺律高上消魔王所佩欲殺丙丁日鬼當黃書文黑奏上

長一尺二十廣三寸二分置北方壬上丁日置於上閉氣五息叩齒三十六通呪曰高上告命善攝萬靈伯吏受符校素玉清檢督北鄴條送魔名上帝所須无虧時呈皇老監詔五仙部兵天一乘鉞斬滅无俾萬萬伏法千千戮形殺律所攝莫不悉清畢引氣五咽止行之五日鬼魔皆束形露景受事於眼前萬凶滅跡千精自喪黃書玄繪佩身遊行天下萬妖滅凶羣靈不敢干也五年自得殺使黃素玉女十二人

此神吏金華綠絳緇之服黃裙青羅窄衣綵帶冠履同前



水

十

此神吏金華綠絳緇之服絳帟黃錦窄衣綵帶冠履同前

北帝素靈滅魔殺鬼玉文受之於高上三天街以素靈玉女三十六人一名九天兵信玉清玉霄王所佩欲殺庚辛日鬼當黑丹奏上長一尺二寸廣三寸二分置南方丙上辛日置丁上閉氣三息叩左齒三十六通呪曰天開地通玄氣朗清掃除淨翳五道煥明奉帝詔命檢校萬靈北鄴所部嚴束正形高上所攝促氣時呈羣魔自到鬼乘滅精風發電激自天爾平皆如玄符伏法帝庭畢引氣三咽止行之三日鬼魔皆束形見景受事於眼前萬魔伏法羣凶滅跡也黑書丹文上佩身遊行天下萬魔窟伏羣靈不敢干三年自得後使太玄玉女五人

此神吏金華綠絳緇之服黃裙青羅窄衣綵帶冠履同前



此神更金華綠綠綵綉之服皂綠紅帶青羅衣綵帶冠履同前

北帝威靈滅魔殺鬼玉文受之於高上三天衛以太玄玉女二十五人一名威神王策玉清消魔王所佩欲殺壬癸日鬼當青書黃上長一尺二寸廣三寸二分置中央戊上癸日置已上閉氣十二息叩齒三十六通呪曰天摧地激四時攝光五行促校檢定十方天帝淨位皇老出房高上所討嚴剪先容先戮鬼莫後截摩凶千妖萬試莫不伏降皆如玉文流鈴八街豁落交擲山嶽摧崩承天順命伯吏齊功畢引氣十二咽止行之十二日鬼魔束形皆見景象事於眼前萬魔滅種羣妖畏精青書黃綉上佩身遊行天下萬鬼自竄千妖匿景十二年自得役使青腰玉女九人



此神更金華翠綠朱羅之服紅綠綵裙白縹衣綵帶冠履同前

北帝洞靈滅魔殺鬼玉文受之於高上三天衛以黃素玉女十二人一名黃神威靈榮高上玉帝君所佩欲殺戊巳日鬼當白書青奏上長一尺二寸廣三寸二分置東方甲上巳日置乙上閉氣九息叩左齒三十六通呪曰黃中理氣制命九天三靈應符五老校仙促檢北帝東送魔身羣山替日不得推遷上帝所告捕追无親敢有越違急制鄴山明如帝

信上對玉晨畢引氣九咽止行之九日鬼魔束形見景象事於眼前萬魔滅種羣妖畏精白書青綉上佩身遊行天下萬鬼伏竄千妖匿景不敵于犯九年自得役使素靈玉女七人玉帝曰殺鬼玉文出自九天隱空之中高上以付殺鬼都吏以制御萬魔剪滅羣由如消魔王神霄王等皆受之於高上神慧秘呪自玉清中之微辭凡學仙之夫遊行名山經歷險阻皆當依具施行又登齋誦經修求飛騰之道亦兼其施之以過鬼試若在人多鬼之處亦當施之以滅鬼妖也若行此之道皆當精心苦誠執志審固无有疑預如法計日天魔无不露形伏法若萬一不見真形者便是已身自履穢未消雖爾鬼魔亦於冥內受形於伯吏也若淨好之士身不精感輕施召鬼鬼反害於已便受大殃也明慎之勿輕脫也

玉清神霄王曰凡鬼魔巧便變化萬端或沉或浮或見或亡或聚或隱或藏或形或氣或死或生或飛雲中或治空洞五色恍惚无有

常形如此皆承六天之運定會於三天在其度之內故得肆其兇醜高上亦以後學多巧民心不純洎害繁生惡逆滋彰故容之以威民使協真以罰非役之以兼考官故不滅其根種也若使運終款訖則其氣自消民心自然而純學者自然成仙也今鬼之為物貪濁无廉因感生凶干試後學无復有真皆九天逆明其象故置五帝殺鬼玉文以檢截其凶橫也若後學得此文將鬼魔自滅其凶試不干也九天禁限依四極明科七百年中有其人聽三傳輕泄漏慢身受大殃宜詳慎奉行高上消魔王曰凡上真已成真人猶凶魔所試何况凡學之夫耶仙道不成亦不被試者皆是九天制魔保舉故魔宜先試其邪正也得魔保舉便白日昇天豈可為甚魔也但魔所試其欲令敗不欲使過故高上明其凶橫置於殺鬼玉文滅魔之章及玉帝神慧皆以防滅此橫也若使其干試以理者亦當不須又消滅之方也後學故宜勤修施行玉文及誦玉帝神慧以禳此災也自非受氣玉虛結

秀瓊胎者空身而求肉飛之舉无有此文自勞鬼於疲曳无獲於圖尚也
高上九天驅除邪精神慧上法
上清隱玄玉帝太慧一名九天驅除神呪內法此之經文皆虛皇之上道高上所神秘攝靈命真滅魔總慧振六天招衛神兵摧落姦妖伐戮邪精蓋玉帝大試之時正立三天之法也瓊音既震則凶穢消除山精殘滅萬靈受事神真輔衛九魔伏形實靈失氣天鋒仰曜神威俯攝辟毒穢試萬妖滅跡此法至不可輕泄傳授之者皆立盟為誓約不宜漏若違盟負誓不崇科禁者身為下鬼長閉地獄七玄之祖受風刀考罰矣
九天玉帝神呪曰九天上化化道常生保景太无寢寐朱瓊逸宅丹玄受事玉清十轉九過七混五成神暉赫曜振策皇庭道達三變錄神命靈玉帝散慧隱玄羽經千真傾輪五皇命征披朱中羽森列帝庭左佩神虎右策金兵九天征伐煥擲火鈴滅魔破妖剪邪校精風火奕震六天摧傾豁落北野九魔塞靈

逆道者誅順化者生上帝委命勅衛神兵干邪滅試萬鬼无停敵試有千一付天丁有妖則滅有毒則刑既滅既刑攝邪錄精六天已誅威震七靈寶神驅穢霄浪三清萬真受事俱會帝庭六象調和七晨暉明神風散魔道暢无名神慧滅魔玉帝呪生九天垂命攝真御靈請奉皇命仙道乃明呪畢又叩齒三十六通咽液十過於是乃寢都畢也
若道士他行獨宿及有心震之地或於林廟之間多有山精惡鬼喜來犯試於人心神畏恐者當誦玉帝神呪之法以禳辟之靈音既震則天魔滅試萬邪竄迹神真營衛若與萬人同宿是夕也當有靈應妙覺神兵見衛伐戮姦妖驅滅凶穢三官受真五帝輔弼內填靈關外威賊氣於是神清體平都无所畏矣
玉帝呪鬼術靈上法
玉帝呪曰九天有命上奉玉清促召千真俱會帝庭太一下觀雙皇翼形鑑察萬邪理氣攝生者有不祥干試神明請帝之道勅整神兵七神秉鉞天鋒右征揮劍前驅煥擲火鈴

撤命甲騎武卒天丁風火齊戰伐邪校精上
威六天下攝魔靈既威既攝萬凶滅形神戈
電掃森妖无生仙皇秉節有令敢停拒節連
令是誅是刑各敬各慎保茲黃寧九天告命
萬神敬聽兆若夜行畏恐心震意怯或惡夢
之時魔鬼試人犯真干氣欲病害人者急行
玉帝衛靈之法兆當心存至道求濟於帝方
北向叩齒三十六通閉氣密咒畢又叩齒如
上十過咽液十過於是毒惡消摧伏魔伏滅七
神纏綿太一鑑攝萬靈衛真外感凶氣亦可
日日誦習振響誦念坐卧隨意以塞百邪之
來試閉毒鬼之凶跡每當卧寢亦可誦之令
人神安意明辟夢除厭消諸毒毒使終身不
恐誦習之日不復北向閉氣也所以閉氣密
咒者謂鬼魔已試其左右毒精已干其神室
故救靈命真以收其兇惡耳而寢卧之咒不
復同之於此法也

上清高上滅魔王帝神慧玉清隱書

上清高上滅魔王帝神慧玉清隱書經 卷三
太微天帝君間居於明霞之上瓊闕之內金
華之房合變冥樞蕭朗上契曲寢瑤室時宴
龍山清齋三年乃命太素三元上皇五賢之
賓撤落萬靈理召千真九天齊陳八帝停輪
披朱見於玉戶陰甲列於瓊門爰有九皇上
真上元禁君超玉虛之天啟五真之房帶逸
錄之符乘三素之辮上詣玉清太微天帝君
顯靈蓋而後乘焉是時玄始映明天元敷陳
河海靜波八風散煙慶雲接於龍軒景浮揚
於九玄金仙素越大帥仗幡天丁前驅高鋒
厲天九靈啓路四明扶輪飛旌萬陰羅騎億
千躡躅於瓊闕之下揚華於明霞之巔靈儀
闡備莫不畢陳於是太微天帝君方復曲宴
瓊室重誦洞章歌紫虛之靈辭瓊微音於七
玄于時乃命太微上真勅使羣靈整甲齊鋒
乃登八瓊玉輦駕玄景之暉太霞部靈引日
俠月七晨合明五星驅除火甲揚精八素啓
輿元剛衛兵羽蓋停空萬騎相傾毒龍翼軒
飛煙繞軒戴玄上之華幡煥流金之火鈴五

震陳曜六度休明撫九華之鳴鐘打碧鼓之
玄英撞金折玉叩漱拍瓊龍吟虎嘯鸞舞鳳
鳴八音同和萬律齊聲雲璈絕玄天女羅箏
法響時奏續節上呈天鈞四陳廣樂虛庭神
虎仰號天獸羅兵逆鱗四快振豪奮形銜刀
割魔揮劍捕靈伺六天之凶夫斬山嶽之邪
精羽騎浮空神鋒曜明揮輪玉宇揚華上清
望雲景而御輦遂傾蓋於霞城既至良久於
是上皇玉帝君乃命玄羽玉即太保真人出
迎太微天帝君徐引使前遂眈於瓊房焉太
微天帝君乃稽首伏於窻軒之下進拜於帝
皇之机憑瓊顏而妙感仰靈眸而陳辭曰
賤臣幸化重悟疑玄得司帝位領括羣真浪
虛津於七覺遂鳴玉於霄上希清玄之神塗
想玉虛之神王實亦妙眇於玄流奏冥心於
遐方而天尊高秀靈蓋顯照垂觀下流已弘
大恩矣於是
上皇玉帝君乃推机偃詠虛晚太空吟玉清
之隱書歌元景之靈章玉音遐臻清微琅振
其辭曰